



Вулэң ёх емаң хатлат манлат



Хор: ЯНАО губернатор пресс-служба

Мосванан Надым вошан, ХХХ-мет округ куся Кубок касасайт мантсат. Ияха 19 команда, 190 хоят ус. Ямальской район туп 8 команда эталтыйс,

Тазовской – 4,
Надымской – 3,
Дорвош – 1,
Приуральской – 1,
Пуровской – 1,
Ёмвош – 1.

Тампуш нэңат одаң пуш юх талман кассат. Хольмаң педа кат нэ ханшдтыдыйс.

Кат хатҥ сыс вулы тащан яңхты хоятат, округ хуват северной многоборье сирн касты эманты шоши мир ёх юрдал арталдысат. «Кочевая семья-2026» касасайн пидтасийм хоттэдат улапсаел, хорам сохдал, пормасдал, тусдал, вулы ухалдал эталтысат, арысат па яксат.

Си касасайн кат ханты хоттэд одаң тахая этсаңан – Климоват, Приуральской район, Байдарацкой нюрм элты па Талигин рут хоттэд Дорвош



Кашҥ таҥ тасян яңхты хоятат мет одаңан Надымской районан уйтантадыт. Хасям сютсюты хатлатан си муван вулэң ёх емаң хатҥ постаса. Округ кусяйн аратаҥ мир мойлапса ясаңан ястаса.



Хор: Альбина Тырлина

район, Мужи курт элты. Муң па лувилал мойлапса ясаңан ясталдув. Тумтак ёш, тумтак кур!

Там манты касасайт мет вантман тайсайт. Емаң хатла касты ёхтыдыйм хоятат, вулыдала

ветеринарной контроль па вакцинация верты мосас. Шоши мир хоятата медицинской справка па страховка дэсятты, мет хорам сохдал думатты.

Хасям талатан вулы ёх емаң хатлат мет волаңа, ольпаңа

вердайт. Хон мувев па па хон муват элты ёхтыдыты мойң хоятата хорам, иськи мувев, шоши мир хоятлув, улапсайлув альдайт, вулы хота тутдыдайт.

Куш камн сикем иськи ус, туп исипа ар вошаң па мойң хоят ёхтыдыйс. Ар нюки хот донсилдыса. Кашҥ хоят тохи дозематы верытас: хошмалтыты, шай йинсематы, худ, нёхи элты кавартам дэTOT умасьдыты. Няврэмат кеша ёнтты харат рупитсат, тынасты харат дарпитман усат. Кашҥ хоят молты дутты верытас.

Кат тыдась сыс вулы шавиты ёх округ хуват манты емаң хатлатан яха уйтантадыты пидлат. Ар тахайн касты па мойлаты ёхтыдыты хоятат яха ёхтыдылат, рутдал, духасдал пидан уйтантадыт, хорам емаң хатлат умасьдылат.

Альбина Тырлина
ханшам потар

Педагогической отделение сот педа вет тадал постад

Курк тылацна Ямальской многопрофильной колледж педагогической отделение сот педа вет тадал постад. Пулцаватна мет алаң национально-педагогической техникум курк тылац 14-мет хатлна 1932-мет тална увад пунсас.

Мет алаңна цита камантсы подготовительной класс ос, топ кат тал манман мет алаң волаң курс пунсса.

Щиты олман 1935-мет тална техникум училище нэмна маса. Щи тал холна кат предмет пунсса, онттыды па нараслаты. Щита ропытты нэңхэт онттыды нявремат пидна журнал верта питсат па аканяң нэхты хорат эттысат. Мет алаң дипломат 1938-мет тална лапат выпускник ясна пайтсат. Алаң номерна амтам нэпек Иван Григорьевич Истомин эдты маса.

ЩИ кеша, там ванан Ямальской многопрофильной кол-



Хор: Галина Клинчина

леджа, цита онттым нэңхэт актацисат, Нина Михайловна Егерь щимац омащ уйтантопса верас.

«Ма тата щимац нэңхэт акатсам, хой карра училище хат питаратна олапсы ашкола манас. Щиты ияха актациман,

самна мет хасам хатлат ном-латта рахал. Касң нэңху онттыям мет ям хатаддал пуляң лавалтас, карра хорат вантысу. Энамты нявремат ораңна тамац уйтантопсайт ищи вул онтас верлат, вул пелак нэңхэт пидна уйтантыман, ищи холантман

онттылат», – Нина Михайловна лавас.

Там уйтантопса онтасна йидап щират-пицат ораңна уват ат пунсандат, уйтантыта ёхтыдыйм нэңхэт ораңна па мет ар нави хатл ат ол.

Шоши мир ясцатна диктант ёңмет пус манас



Хор: Альбина Тырлина

Курк тылац хосмет хатлна касң тал манты «Язык наш веками отточен» Овс мув шоши мир нэңхэт ясаңна диктант манас, тампус лув юбилейной, ёңмет пус верса. Щита пилтащита касң нэңху веритас.

Там диктант Ямал мувна 2016-мет тал эвалт верта питса: ор яхат кат диалекта, дорвош, Кев сыл, сурханл диалектата, ёрн ёх па саран ясаңна.

Тампус лув кат тема хоца постаса Мират ияха пилтащиты Тал па Тумтак улапса Тал. Пирьям потрат луцатты ораңна лув ясцел ямас хасты екперт-чтецат вахыдысайт.

Аратэлна ветъёң молтас хар ларпITYса. Катхоцъёң щёсна пинтцасат, хутъёң минут хуват ханссат. Диктант ханста пинтцаты алаңна касң нэңху щирл номер тайты нэпекна маса. Хансам потрат вантты ораңна ясцел хасты екпертной группа акатса. Ай кер тылац 31-мет хатлна шоши мир верат пидна ропытты департамент сайт хоца диктант ямас хансам нэңхэт нэмат вантта рахал. Касң пилтащита ёхтыдыйм нэңху электронной, маса нэпек элты лэцатам сертификата масайт.

Ёң тал сыс там диктант волаң акцияя йис, касң тал щёрс молтас нэңху пилтащийл, хой ясцал савийл па алңиц тул, йис тэлна этап щират-пицат щирна ол. Там уйтантопса Муртэл рут ясаң хатл хоца постаса, лув мув хуват курк тылац 21-мет хатлна манал.

Пулцаватна «Симфония Ямала» манас

Там ванан Пулцават васна кимет пус «Симфония Ямала» нэмпи Международной конкурс манас. Холамхоцъёң хон мув эвалт муң Овс мувувна нэңхэт актацисат. Кутлална сот хольмаң нэңху кассат.

Аратэлна холам конкурсной тур ос: «фортепиано», «скрипка» па «виолончель», касң номинация хоца нох питам нэңхэт нэмат арталасайт алаң, кимет па холмет премия хоца.

Овс мувна нараслыты нявремат ораңна «Симфония Ямала» йи щимац волаң международной пилтащиты лот. Лув Ямал мув Правительство па щират-пицат алңиц туты Президентской фонд онтасна лэцатса нявремат ораңна.

Тампус нараслыты ораңна Россия, Китай, Япония, Казахстан, Колумбия па Италия эвалт нявремат яха актацисат па туслад эттасат.



Хор: Андрей Ткачев

Там мосванан Канась куртан «Щукчатты пора» вантопса пуншса. Сита Елена Алексеевна па Наталья Яковлевна, Шульгин опрась нэм тайты Асов нэңан, па Анастасия Никитична Сэротэтто Харсойм курт элты, дув ёшладан туса верам рупатайдал эталтыдайт.

Си вантопсайн Анастасия Никитична, Елена Алексеевна потарсаңан, хоты симась хорамат тыйдат. Щашкан, нуй па вуды сох элты хорам ханшийн дэсытам ёх хоят, няврэм, нэңат ёнтам ернасат, охшамат, нуй сахат, молсяңат, сахат, худ поням элты дэсытам пормасат па ханшаң паркан элты сэвам посат, сэвам вайт сита умасьдыты рахал.

Рупатайдалан эталтыты ханты улапса

(Олаң шупал
№ 7 луңтадан

«Щукчатты пора» вантопсайн холдна Наталья Яковлевна Шульгина, Асов курт нэңие, щашкан элты ёнтам ернаслад па па пормаслад эталтысайт. Тус нэңиев рупатайды ант улдыйл, вератты педа самал шеңк хошийл.

Ёхатты кум ант шитас, телефон хуват ясаң верас: «Ма ай пора элты вератты питсам, аңкеман уталтасайм. Муң холдна си порайн ашкудайн ёнтассув, сэвсув. Там вантопсайн эталтыты сохлад 2020-мет тал элты ёнтман усат. Хасям талан «Ямалица» манам касасая ёх хоята, нэңата па няврэмата ёнтам ернасат, охшамат, сэвам вайт, посат, сэват дэсытыдысам. Там вантопсайн дув па альман улдат. Ма дувилал



Наталья Яковлевна Шульгина (Тарасова).

2023-мет талан дэсытсадам.

Елды щашкан сахат ёнты па вуды сох пидан рупитты утсидам. Си елпийн сак пидан рупитсам, си вер елды па тулэм. Хун хоятата ернасат ёнтдам, сак лопсат инсясдат.

Щашкан элты манэм умасьшак ёнтты



Хор: Альбина Тырлина

хайн верты уталтапсаята кашң порайн яңхдам, ялап ота уталтыдам. Кашң симась пилтасыты тахаятан мойдапса нэпекан юконтман улдам. Хасям талан Ёмвош округ Тегинской каш верты хотан «Худ сох верат» вантопсайн дипломан мийдысайм, Суматвош районан «Визит дружбы» уйтантопсайн благодарственной письмайн постасайм. Холдна там талан «Знакомьтесь, мастера России» щашкан па худ сох пидан рупата хуват уталтапса етшаптасам.

Шашкедат сэвдам, тонты пидан рупитты питсам. Аңкем улмал порайн, тонты элты архорпи хинтат, хошапат верас, манэм уталтасды. Хасям талатан, фестивалыта худ поням сох элты хирьет ёнтыдысам. Муй иса верты дытлайм. Туп щашкан элты манэм умасьшак ёнтты.

Округ, район хуват манты «Мой Шурышкарский», «Душа тундры», «Ямалица» фестивалытан кашң порайн пилтасыдам. Ёнтты сохлад, сэвты па верты пормасдам сита эталтыдайт. Симась та-

«Щукчатты пора» вантопса курк тылась хольмаң педа нийлмет хатл унты манты питад. Вошан улты кашң хоят тохи яңхты верытал, няврэмдал-хидыдал тутдыты.

Елды педа, тус ханты нэңийилув, хорам ханты ёх тайты сохат елды ёнтаты, вантопсаятан эталтыяты, хошты верлана няврэмлув уталтыяты. Тумтак ёш па тумтак кур.

Альбина Тырлина
ханшам потар

Сорашак айкед мощатты ураңан

«Лух Авт» газета кашң лапат йи пуш этдыйл. Тухал ишан, ёхаттал унты талан лапат хаңал. Щи веран, сорашак айкедат мощатты ураңан, нынан мосал «Лух Авт» поныдыты айкедат «ВКонтакте» па «Одноклассники» хоңа мощатыты.

ЩИ ураңан там QR-код мохты лоңаты, па муң верыдыты айкедлува ханшлтыяты. Кимет веран, айкед луңатты тумпийн, щита рахал ясаң ханшты, потран сама ки рахас – пос понты.

Муң па, нын вантам айкедлан элты ищи нопсэв тыел-тохел поныдылэв, вантлэв – мата айкедат па муй элты хоятат луңатты даңхалат.

Тумтак ёшна, тумтак курна ханты мир улапсаев ияха понасан елды тулэв, ханты мир ясеңав шавилэв!



ОБЪЯВЛЕНИЕ

Там QR-код хуват лоңаты па вантаты, муйсыр нётопсайт СВО хоңа улты мохета мадайт. Щи тумпийн нэңдала, няврэмдала, аңкидала па ащилала ищи нётопса вуты рахал.



СЛУЖБА ПО КОНТРАКТУ В ВС РФ

ПОЛНАЯ ИНФОРМАЦИЯ ПО ТЕЛЕФОНУ
+7 (902) 816-11-90
+7 (34922) 3-98-08
ЗВОНОК ПО РОССИИ БЕСПЛАТНЫЙ

ВРЕМЯ ДЛЯ ВАЖНЫХ РЕШЕНИЙ!

КОНТРАКТНАЯ СЛУЖБА
6 700 000 Р
ЕДИНОВРЕМЕННАЯ ВЫПЛАТА
4 000 000 Р

ПРИ ЗАКЛЮЧЕНИИ КОНТРАКТА НА ЯМАЛЕ

Прибывающим из других регионов возмещаются затраты на проезд от места проживания до г. Салехида. В период оформления проживания в г. Салехиде и 2-разовое питание предоставляется бесплатно.

ОБУЧЕНИЕ:

- ✓ ОПЕРАТОРОВ БЕСПЛОТНЫХ ЛЕТАТЕЛЬНЫХ АППАРАТОВ
- ✓ ТАКТИЧЕСКАЯ БОЕВАЯ
- ✓ МЕДИЦИНСКАЯ ПОДГОТОВКА

3 600 000 Р ЕДИНОВРЕМЕННАЯ ВЫПЛАТА ОТ РЕГИОНА
до 120 000 Р СЕРТИФИКАТ НА РЕАБИЛИТАЦИЮ

400 000 Р МИНИСТЕРСТВО ОБОРОНЫ
ЗАКЛЮЧЕНИЕ ВОЕННОГО СОЦИАЛЬНОГО КОНТРАКТА

ЕЖЕМЕСЯЧНЫЕ ВЫПЛАТЫ ПРИ НАХОЖДЕНИИ В ЗОНЕ СВО **ОТ 225 Т.Р**



Вулдэң ёх улапса алыты хорам

Касты харан улам ханты хоятат

Кашң тал касты хоятат вулы ухал шоппи навардат, тынсың сува ёвалдат, хулам пуш навармидат, пертысыман юрасьдат, этнобиатлонан, юх талман, дохан хухатдыты эстафетайн касдат па вулы ухадан навартылат.

Тампуш хантэт элты хулам команда ус. Дорвош, Надымской районнан па Ёмвош округ элты ёхтыдысат. Надымской район

тампуш хулам команда эталтыйс. Итан яң ханты ёх касас. Дорвош район элты хут хоят – тасян яңхты энамты ёх па студентат юрдал артадасат.

Василий Максаров па Станислав Рохтымов, тащан яңхты хоятан потар тусқан: «Дорвош район элты кашң тал Надым воша касты хара хоятат актыдылайт. Тампуш хут хоят ус. Пулңават вошан многопрофильной колледжан уталтыты похат па муң пилэван кассат. Лув сита кушкепа дэсытыдат. Муң па муң сирэван.

Кашң район элты мет юраң, северной многоборье сирн касты хоятат пирылайт. Олаң тахая этты шеңк лаварт. Дорвош районан манты емаң хатдтан касты ям. Вулы тасян яңхты хоятат атэл, энамты ёх лув кутэлан касдат. Молты тахая питты рахал, молты мойлапса па ох шитты. Тохи яңхлув, сита юрлув артадалдув».

Нох питам ёх нэмдал ястасайт

Надым воша тампуш 190 хоят касты ёхтыдыс. Нох питам командайт кутан – Ямальской район

«Харп» община олаң тахая этас. Кимет места Надымской район олаң команда ус. Хулмет тахая Ямальской район «Ярсалинское» МОП питас.

Катлантыман юрасьты хоятат кутан олаң тахая Лев Езынги, Надымской район олаң команда элты этас. Вулы ухал шоппи наварман, Сергей Лаптандер, «Харп» КМНС ТСО элты, 245 ухал навармас, олаң места ус. Этнобиатлон касапсайн «Харп» КМНС ТСО команда мет юраңшак ус.

Тампуш нэңат олаң пуш юх талты касапсайн кассат. Мет каркамшак Марина Яунгад Надымской район Ныда курт элты ус. Ёх хоятат кутан – Сергей Яр, Тазовской район, Лапсуи ИП элты. Дохан хатэмиты касапсайн Ямальской район, «Ярсалинское» МОП команда мет апраңшак ус. Вулы ухадан навартыман, ёх хоятат кутан Владимир Хатанзеев, Надымской район элты, 1 минут 49 секунда сыс ёхтамтас. Нэңат элты Нина Леонидовна Лаптандер, Приуральской район элты олаң тахая этас. Хулам



Кат хатл сьс вуды тащан яңхты хоятат Надым вошан манам емаң хатадан уйтанти-сат. Округ куся Кубок шитты даңхаты мо-хет юрлаң артадасат. Вошаң па мойң хоятат хорам емаң хатл вант-ты ёхтыдысат.



Па ольпан емаң хатл



пуш навармиман Николай Пяк Пуровской район элты нох питас. Кашң нох питам хоят мойлапса нэпекан па мойлапсайн мойлаптаса.

«Кочевая семья – 2026» манам касапсайн

Кашң тал Надым вошан «Кочевая семья» касапса маньдыл. Округеван вуды тасян яңхты ханты, ур, ёрн ёх хоттэлат сита каслат. Тампуш нийл хоттэл округ район элты ёхтыдыйс.



Хор: Альбина Тырлина

Хантэт элты хулам хоттэл ус. Сит – Талигин рут ёх, Лорвош район Муживош, Климоват – Приуральской район Байдарацкой нюрм па Мултановат – Надымской район, Сугмутской месторождение элты ёхтыдысат. Талигинат па Климоват хоттэлдан олаң тахая этсаңан.

Талигин хоттэл «Мужевское» сельскохозяйственной предприятие хося лунтаслат. Евгений Анатольевич па Надежда Емельяновна, яха лунтасман, ветьяңкем тал рупитлаңан, тащ хотан яңхлаңан. Нял няврэм энмалдаңан. Кат эвел па похал Васьёханов ашкудайн утадгылат, ай похиел аңкел-асел пидан касдыман яңхал.

Кат хатл сьс тасян яңхты ёх тайты сохдал, вуды кирты пормасдал, вуды ухадал, лэтотдал эталтысат. Презентация версат, удапсаел элты потар тусат, арысат, яксат. Елды этты газетайн кашң си касапсайн касты ханты хоттэл элты потрэв тулэв.

Вудэң ёх па няврэмат кеша рупитам харат

Емаң хатл манты харан кашң район элты нюки хот донсьман ус. Пут каварса, шай опсыдыса. Кашң хоят тохи доңематы верытас. Хон мув суңат элты вохидыйм хоятат каш альсат. Тынасты хоят ар ёхтыдыйс.

Емаң хатлатан передвижной диагностической «Мобильный центр здоровья» рупитас. Кашң хоят вур маты верытас, давление, саккарад артадаты, мушлад элты лэрапты. Холна си хатлатан юрист рупитас, хоятат тохи доңемисат, тайты инсясапсайдал дарпитсат.

Шоши мир хоятлув тал сьс лэсытам лэвпасат тынысат. Па вошат элты тынасты хоятат па ёхтыдысат, арыр лэтотат, мосты пормасат, сохат, щаш-



канат тутдысат. Вошаң па мойң хоятат лутассат.

Няврэмат кеша ёнтты харат верман усат, еңк рэп элты хатэмиты рахас, «Морошка» карта тайты хоятат лотерея хуват мойлапса шитсат.

Сора кат хатл манамтас, хоятат ям номасан ёхи мантсат. Тасян яңхты па касты ёхтыдыйм хоятат па воштан, куртатан манты емаң хатлатан апардал артадаты верытлат.

Альбина Тырлина ханшам потар

Няврэмат уталтас па рут мирала нётас

Там ханты ими Нижневартовской район Комсомольск куртан сэма питас. Ащел Кузьма Афанасьевич Манин худ па вой велпасдас, аньтел Фёкла Яковлевна Каткалева лувела нётас па хот рупата верас. Лув щемьяелн хулам эви ус: Елизавета, Нина па Татьяна. «Опеңадам сэма питам нэпекңадалн ханшам: Елизавета Кузьминична Манина, Нина Кузьминична Манина, туп ма нэпекемн ханшса – Кузьмовна», – Любовь Кузьмовна лавас.

Щадта Комсомольск курт лап тухарса, щипн Манин щемья Корлики курта касдас. Тата Люба эвие ашкудая манас, ун классатн Ларьяк куртан уталтыяс. Нийл класс етшаптамад юпийн Ёмвоша манас, тата педучилищайн уталтыты питас. 1971-мет талн нэпекаң айлат нэ лув рут Нижневартовской район Корлики куртада рупитты китса, туп лув тутаң хопн Сурханл воша манас. Щита район кущайт рупитты хота ёхтас, щадта Дарко-Горшково курта рупитты китса. Щита лув икел пилн уйтантас.

Пора манман там курт па лап тухарса, щипн Любовь Кузьмовна Лемпино курта рупитты китса. Икел Сурханл вошаң хотат омасты тахая рупитты вохса. Щи порайн Любовь Кузьмовна Ленинград воша А.И. Герцен нэмпи пединститута нэман курса уталтыты китса. Тал сыс уталтыяс. Елды 1977-мет тал вуш элты Сурханл вошн кимет ашкудайн ай няврэмат уталтас. «Ма Сурханл район ашкудайтн яң тал рупитсам, Сурханл вошн – 15 тал, щиты 25 тал ай няврэмат уталтаман усам», – Любовь Тарлина ястас.

Сурханл вошн лув щемьяелн хулам няврэм Наталья, Татьяна па Евгений сэма питсат. Елды Любовь Кузьмовна Сурханл вош кущайт рупитты хотн вошаң шоши мир верат нох вантман па нушайт туңматман рупитас. Щадта ищимащ рупата Сурханл район кущайт рупитты хотн тус. 1997-мет талн пенсияя манас. Щутщаман лув арсыр вантоп-

Ялап тал тылащ 21-мет хаталан Любовь Кузьмовна Тарлина 75 тада йис. Лув пилэди ма Сурханл вош пуңалн Барсово курт «Валикас» нэмпи щутщаты тахайн имет ёнтасты харн уйтантсам па лув удапсайл элты инщассэм.



Хор: Людмила Шульгина

сэта, мирхотата, уталтыты харата яңхты питас. Няврэмдала арсыр овошат энмалты нётл.

«Ма «Катра Сурханл» музей хоша ям арат тал методиста рупитсам. Ёхи хашам талатн щита ванкутн шоши мир арсыр верата уталтыты харат лэщатлайт. Ма щи порайн ищи тонты, люм юх эвалт арсыр пормасат верты уталтысам.

Щи тумпийн охаль нэ Валентина Терентьевна Шадрина ищи шоши мир ими верата уталтыты харат лэщатты питас. Мосл ястаты, ма катрайн нэмолты порайн ант ёнтсам. Ин еша рут мирэм имет верата уталтыты щип олңитсам. Интам ма ханты ернас ваньщасты па ёнтты уталтыдам, шеңк умащ. Ма айтэди вантсам, муй щирн аньтем думатсохат ваньщасас

па ёнтас, туп щипи вер элты яма оша ант версам. Интернатн улмеми муң ищип ант ёнтсув. Щипи порайн щита рут щирн портартты ант рахас», – Любовь Кузьмовна нумадмасды.

Лув няврэмдал уна йисат, хошыена рупитлат. Татьяна – юриста йис, Сурханл вошн депутата нётасты нэңа рупитл. Евгений похл «Промстрой» тахайн рупитл. Любовь Кузьмовна хулам хилэл, щит Диана, нэмасңан Ярослава па Святослав энмалты нётл. «Нэмасңан пилн щипуш лаварт, дын ашкуда тумпийн арсыр секцияята яңхлаңан. Ма хилыдам пилн «Катра Сурханл» нэмпи музей арсыр шоши мир емаң хатлата яңхилыдам. Ханты мирэм элты потардам, йис потрат, монщат монщдам, щипн лув уйтлат, лув ханты мир элты», – Любовь Кузьмовна ястас.

Ёхи хашам артан ма Любовь Кузьмовна элты манам ёнтасты хар элты инщассам. Лув ястас: «Шеңк ям, хоты Сурханл вошаң па мират нэңат кеша ищип умща ул шоши мир имет ернасат ваньщасты па ёнтты. Там ёнтасты хар туса лэщатман ус – хулам хатл «Валикас» нэмпи щутщаты тахайн уталтысув па улсув-холсув. Тата кутэвн уйтантсув па елды духсаңа улты питлув».

Ешак Любовь Кузьмовна, сэма питам хатлэн пилн! Наң нуптэн 75 тада йис, елды хув йис, хув нупат тумтака, ойңащуняңа уда!

Людмила Шульгина
ханшам потар



Хор: Людмила Шульгина

Кущайл па амп

Там лапатан муц Тамара Николаевна Сибарева шуңат монцидйым монц понлув, миран лув уйтса «Няравой ими» нэмна. Саңхамолаң нэмпи тахайн касдйис, Емаң Ас муви хоца. Руц ясаңан ки ястаман – Игорская Обь. Там монц Геннадий Кельчинна Анарьёхан хоца ханшидыса.

Утца ики, амп пидна усңан. Худ велты олаң яңхтал порайна – ампад калтамна тулды. Вой велты олаң мантал порайна – ампад калтамна тулды. Ампад имосайна лавал:

– У-у-у-у, кущайе ма метсам! Манэм, лудан, ёдан хайидылэн.

Манал, лув утца манал. Ампад ёдан хайдалды. Ампад ёдан хайдалды, вой велты яңхал, худ велты яңхал. Ёхатал, ампад лавтал:

– Наң ши, патлаты моса яңхлан! Мунты алаңсахат дывмем ширна, самем щикем вохла! Наң манлан па, алаңсахат, хуцална манлан, щаха йида хуцална ёхатлан. Ма дылды ёдан щиты ши улдам.

Па ампад кущайл элты щаль. Кущайл лавтал:

– Па та, томан нядамдан хайдалдам па, щаха наң ампарэн пуншидйи па, наңен мола мосал па щит дыва. Муй ар дыдан, хоты.

А, ат ул. Итта томан нядамлаң вулды па, щиянща, ампад элты малды. Лув алаңсахата йил, вой велты манал, худ велты манал. Ёхи ёхатал, ампад ал амтатдйил. Хоты, томан нядматна хайсалды.

– У-у-у-у, кущайем йил!

Лув вантман тайдалды: ампад па сас ох, хуңхарэна йиты питас. Щалта, яңхтал эвалт. Щалта нумасыты питас: «Томан



Хор: Николай Фомин

нядамлам масам па лув дэваса дыты питал па, ма халэват тув хув унты. Па ши тови унты дэототлам усат, товем хоты вуслэм?»

Ампад педа лавал:

– Томан нядам тый-са мийдйи. Мола наң дыдан па? Манэмна там, пуцка иты ювмен, дампа.

Тамел санс хор верман, тамитыйщ, тохисак курл-сансд нэрман, донщна дарытдытал. Я, щиянща, ампарал нох пунсмадды па: «Ешак хатл!» Йи пелак ампарал – антом! Щиты эвалт, ампад щимащ улмал па, мола кем томан нядмал пунсыдылды, пеңкна туты отал урна алдалды. «Халэват кущаман лопас лап томантты юпина, манэм мосаң йи пул ласкал! Ласкатал порайна

урна мандам па, щита лум тайдам. Щилта дыты питдам.

А, ат ул, щиянща. Тоңха ампад тый вохдалды, сэңктыя ант йил. Па тохисак манас. Сас хорас, щиты ши верал, куратлийл. Вохдалды, айлтайи. Юх вул па сэңкты вуллат.

– Хол тушдан, дэототлан па!

Амп па, ямас уталтам амп, руц ампен ясаң хулаң, ханты ампен ясаң хулаң.

Щалта вантдалды па, мунты анта арталасды, вантдалды па, сарт пай уцты таха хуйл. Итта сарт пай хуват манал па, лопас йи пелак ампадна урна алтам! Халэват тови куссы. Халэват товина кущайлна сымал дытотна маты питда па, лув тута лум тайл. Манал, урна манал па иса лув сахатал дыл.

Щалта кущайл йил па, щиянща, ампад айлтайи тый вохдалды па, пусэд эвалт катадалды па, ши хордалды!

– Тами юпи педа, пукнал эвтам ханты нэңхуй йисаң порайна, амп томан нядамна маты ант рахал! Амп кущайл – ханты нэңхуй!

Щиты юхна сэңкдалды. Амп пидна ки улда, кущайл мола ураңна ул? Итта ампад хордалды, хордалды. Итта монцаң кемал, ши! Томан нядмал лув ши тайты питдалды. Куца лув улты питал. Мола кем дытдалды, ши кман лапатдалды.

Тамара Николаевна Сибарева шуңат монцидйым монц

Алина Тоярова нэпека ханшсалды



Хор: Николай Фомин

Кат имиҳэн



Хор. Shutterstock. Tagwaran

(Олаң шупал № 7 луңталн)

Ту иминэ пөтахат-уч вәри, пөта вәрхән. Ывмиллэ:

– Нөксөн йавән төй нэ! Мөққән йавән төй нэ! Вәлэ мұвәлинә тәхә ирхә, мұвәлинә тәхә мунтә?

– А ма, тақа, – йастәл, – әйнам атәлэмнам, – йастәл, – қәнтәқ қө-пә әнтә вуйиләләм. Әнтамнә төвөнә нөмөқсәләм: әй мөта сөңнам мәнләм. Ычи әй мөта тохинә қәнтәқ қө вәл. Атәмнам вәлләм.

Тақа ту имилинә чайат вәрәмты, литәтат вәрәмты, литәтат ләққәмты. Ликкән-ийнхән, ту иминә әлтә лотат вәри. Әйәл йастәл:

– Нүн, мәтәм нә, әланта. Ту ими-пә әлнтәх.

Әй латнә нөқ күч вәрәхләх, тақа тәми кәмән әйнам йәқә қөтәл. Тәми пырәс имил қунтынтә килмал тохи, әй ту онтәплалнат ләйхәл. Па онтпәт йәмси қот пәләка қәтәлтәллал, па онтпәт пәхи қот пәләка.

Төвөнә ләйхәл. Панә тақа ту иминә литәтат-қулат вәрәнты. Ликкән-ийнхән, панә ту иминә

ти памили. Әс панә ту ими һавмилләл, йастәл:

– Тәт ма қот пөчән пәлкамнә күрмән ләк. Йәмат йәм күрмән ләк. Ти ләк қөвит мәнә, – йастәл.

– Тәм ти мәнлән, мәнлән, қөләм тохинә виҳиләлө. Тәм нүнатынам йастәләт: «Тәхнам әнкрәмта! Тәхнам вөләмта! Мәң сәккәңәт, мәң витәңәт вөсув!» Нүн ал ләйла. Қөләм тохинә тәм виҳиләлө. Тәм тут пырнә мөта қөвит тохи мәнлән, қота йөвәтлән.

Ту қота йәқә ләңа, панә төм әй мәтли-пә әнтәм сәмты. Әй қот пәләкнә чәмотанәт омәсләт, па қот пәләкнә сорьән сунтукәт омәсләт. Нүн тәм йәқә ләңа, йимәлмин йәқә ләңа. Панә қулән-парән чәмотанәты әй чәмотан вәйа. Төм сорьән сунтукәт омәсләт, тутәт ал һөвалтыла, панә тутәнәт кәм каримта, тәм панә йүва.

Йа, тәт тө мән, ти ими памилмал сохит, чопәңқа, ту ими қоты туминт күрмән ләк. Ту күрмән ләк қөвит тө мән. Ти мән, мән, тақа чопәңқа, әй латнә виҳилтахә тө вәри:

– Тақа тәхнам ләйла! Мәң сәккәңәт! Мәң витәңәт вөсув!

Лүв әнтә әнкрәмтәл, төхпи вәлтә суминтахәл пәләк ылә һәримтәлтәх. Тәнә қөләм тохинә виҳилли, вичипә әнтә әнкрәмтәл. Панә тақа, чопәңқа, ти мән, мән, панә қота тө йөвәт. Чопәңқа, туминт қота йөвәт.

Панә һатәликкә йәқә ти ләң. Йимәлмин йәқә ләң. Йәқә ләң, ләйләхәл, тәми чопәңқа йәмси қот пәләкнә тиминт қулән-парән чәмотанәт омәсләт, пәхи қот пәләкнә сорьән, сиккәң тиминт сунтукәт омәсләт.

Әнтәлнә нөмөқсәл: «Ма мұват ти сорьән өтәт йәмнам вәллам!» Ту иминә партмал әй мөта қулән-парән чәмотан – лакшиты әй чәмотан илмәхтәх. Панә кәмнам каримтәх, тутнат кәмә пит, панә пәрхинәм ликәл қөвит итпә мәнәл. Ту мәнәлнә... ту мәнәлнә, тақа әй тәнә қөләм тохинә виҳилли:

– Тәхнам әнкрәмта! Тәхнам вөләмта! Мәң сәккәңәт, мәң витәңәт!

Лүв әнтә әнкрәмтәл.

Ти пырәс ими қота йөвәт...

ти пырәс ими қота йөвәт, чәмотанәл лүвнә ләпән өвтыя нөқ ләққәмты. Тутлат йәқә ләң тақа панә, тақа ту имилнә қунтынта литәтат вәрмал тохи, ту имилнә литәтат ләққәмты. Йастәл:

– Литәхә пә йәхән, әнта, һәмрәх қәтәл...

Ту имилил туким йәм! Панә тақа... тәт ликкән-ийнхән. Панә әлтә тохийат вәри, ту имилнә, панә:

– Әланта, – йастәл, – мәтәм нә. Панә ту пырәс имил-пә әлнтәх. Аләңнә нөқ ти вәрәхләх, тәми пырәс имил қунтынта килмал тохи! Әнтәлнә нөмөқсәл: «Тәми мәрә пә әлләм». Лүв пә нөқ лүк. Ту имилнә тәт өс литәтат умты. Ту имил панә йастәл:

– Йа, тәт йәқәнам мәнлән. Йәқә йөвәтта латнә ти чәмотанән тәм, әлнтә латнә, төв әсәм улңәна ымтә. Тәм қутңәна ымтә. Тәм нүнатына мәтликкә йәх, әнтә йәк қунтә – әнта.

А тәт ливмал-йәнәтмал пырнә панә тө мән. Ту чәмотанәл тө вәйтәх. Әй ту қутәлнам тө мән.

Тө мән, мән, әнта, қөв мұвә, әнта ван мұвә мән, қутәла тө йөвәт. Йәқә йөвәт, тақа ливмал-йәнәтмал пырнә, туким мәт, панә әлнтәх. Панә ту чәмотанәл, ту иминә партмал сохит панә қутңәла умәттәх.

Әй латнә атнә нөқ ти вәрәхләх, әнтәлнә нөмөқсәл: «Тәм ма мәрә пә вәйәмтөйәм. Тәм әйнам йәқә қөтәл». Нөқ күч ымәл, кәмнам мәнәхә күч йәх, па тохийа па воққинтәл. Кәмән пәтәхләм. Йәқә ти ләң, тәми лүк қутңилнә тиминт сорьән ики төт әлал, туминт тәми ики төт әлал. Тақа тутәла ылә әлнтәх панә. Тақа аләң нөқ ти питхән. Тақа мұв йәхлән, мұв аңкилән һула мөйиҳән. Туминт тысәлли витәп қө, туминт қәтәлли витәп қө. Итпә әнта туһинат-йәминат вәлләхән. Ту пырәс ими лүв пәхәл, мұвәлил әнта, төвә мөй. Йа ти, өсә!

Аграфәна Сопочина ханшсәллы

Газета

«ЛУХ АВТ»

Адрес редакции:
629003, ЯНАО,
г.Салехард,
мкр. Богдана Кнунянца,
д. 1, каб. 106
+7 (34922) 4-68-63

E-mail:
luh.avt@yamal-media.ru

Учредитель

Департамент внутренней политики
Ямало-Ненецкого автономного округа
(629008, ЯНАО, г.Салехард, пр-кт Молодёжи,
д. 9, каб. 708)

Газета зарегистрирована

Управлением федеральной службы по надзору
в сфере связи, информационных технологий
и массовых коммуникаций по Тюменской
области, ХМАО-Югре и ЯНАО
19 апреля 2012 года
Регистрационный ПИ № ТУ72-00558

Тираж 1300 Заказ 44 тз

Подписные индексы:
на год – ПА700, на полугодие – ПР561

№ 8 (1311)

Газета вышла в свет 21 февраля 2026г.

Подписано в печать 19 февраля 2026г.

по графику: 16.00

фактически: 16.00

Газета выходит по субботам

Цена годовой подписки 88 руб.,
в розницу не распространяется

Издатель

Департамент внутренней политики ЯНАО
(629008, ЯНАО, г.Салехард,
пр-кт Молодёжи, д. 9, каб. 708)

Отпечатано в АНО «Ямал-Медиа»

Юридический адрес: 629003, Ямало-
Ненецкий автономный округ, г. Салехард,
мкр. Богдана Кнунянца, д. 1, каб. 106

Фактический адрес: 629007, Ямало-
Ненецкий автономный округ, г. Салехард,
ул. Чубынина, д. 39А

И. о. генерального

директора

АНО «Ямал-Медиа»

Каврук Татьяна

Ивановна

Главный редактор

Яковлева

Аллина Кирилловна